

1. PENGENALAN


- Projek Taman Rekreasi Bukit Lugam Kampong Tungku/Katok merupakan inisiatif penduduk Kampung Tungku/Katok. Taman ini dihasratkan sebagai tempat beriadah, *jungle trekking* atau berjoging setiap hari kelepasan awam. Dengan pelancaran projek ini, ianya akan menyediakan kemudahan laluan *jungle trekking* dan tempat perkelahan yang tenang yang dilengkapi dengan pondok-pondok rehat. Sepanjang laluan, pengunjung akan melalui beberapa wasai dan air terjun. Beberapa pilihan laluan telah dibuat untuk dipilih oleh para pengunjung. Di taman ini terdapat laluan yang jauhnya 2.6 km dan ada juga yang jauhnya sampai 7 km. Para pengunjung akan merasa tenang dan nyaman apabila menghirup udara bersih hutan taman ini sambil menikmati keindahan air terjun.

2. OBJEKTIF

- Mengalakkan warga kampung untuk beriadah beramai-ramai sambil menjaga kesihatan diri,
- Sebagai taman rekreasi sambil menghirup udara hutan yang bersih dan segar,
- Boleh dijadikan sebagai salah satu destinasi pelancungan,
- Menyokong dasar kerajaan agar rakyat peka kepada kesihatan,
- Inisiatif hijau / green initiative,
- Pemeliharan dan pengekalan alam sekitar yang asli,
- Berunsurkan pendidikan khususnya bagi anak-anak sekolah bagi mempelajari tumbuhan dan hidupan hutan,
- Memelihara dan melestarikan sumber alam yang wujud beribu tahun yang lalu seperti air terjun mini dan wasai,
- Produk Majlis Perundingan Kampong Tungku/Katok.

3. LOKASI TAMAN REKREASI BUKIT LUGAM

- Hutan Taman Rekreasi Bukit Lugam terletak di dalam Kampong Tungku/Katok, Mukima Gadong ‘A’ dan bersempadan dengan Mukim Kilanas dan Mukim Sengkurong. Hutan berbukit ini boleh dikunjungi melalui jalan penghubung Kampong Katok B ke Kampong Katok A (jalan ini belum siap sepenuhnya ketika kertaskerja ini di buat). Taman ini bersebelahan dengan Kampong Mata-Mata dan Kampong Perpindahan Katok ‘B’, yang juga menempatkan Pusat Tingkatan Enam Katok. Kawasan hutan yang dimaksudkan bertanda merah dalam peta di bawah :



4. SINOPSIS TAMAN

- Taman Rekreasi BUKIT LUGAM yang terletak di Kampong Tungku/Katok menyimpan khazanah tumbuh tumbuhan yang cantik, unik dan bernilai. Terdapat tumbuhan herba yang jarang atau tidak ditemui di kawasan hutan lain,
- Udara hutan yang segar boleh meningkatkan tahap kesihatan dan menjadi ubat semula jadi kepada tubuh badan,

- Dibawah dipaparkan tumbuhan hutan, anak sungai dan lain-lain khazanah alam yang terdapat di Taman Rekreasi Bukit Lugam.

FOTO-FOTO TUMBUHAN TAMAN REKREASI BUKIT LUGAM



Tumbuhan jenis 'fern' yang menarik



Aliran jernih anak sungai yang nyaman dipandang mata



Tiges – Dulunya digunakan sebagai tali mengayam kelupis



Tiges – Berjuntai dari pokok yang tinggi



Kulat – Tumbuhan alami yang cantik



Avatar – Batang pokok yang dipenuhi lumut dan tumbuhan menjalar



Jeranggau – Dikenal juga sebagai ubat



Diperdayai boleh menyembuhkan penyakit mata



Salah satu tumbuhan herba



Gasing Ambuk atau Paning panigan

5. LAWATAN ROMBONGAN TIMBALAN MENTERI HAL EHWAL DALAM NEGERI



6. KEMUDAHAN YANG SEDIA ADA

- **LALUAN TREK** - Terdapat banyak laluan *single-trek* dibuat oleh pihak perseorangan. Pengunjung boleh memilih laluan yang mereka suka samada laluan 2.6km atau laluan yang sejauh 7km. Laluan yang jauhnya 2.6km adalah laluan biasa yang mengambil masa sekitar 35 minit sahaja untuk dilalui tanpa berhenti.

7. KEMUDAHAN YANG DIPERLUKAN

- **RUMAH/PONDOK REHAT** - Kemudahan ini perlu dibuat dibeberapa tempat seperti di sekitar air terjun mini / wasai. Ianya akan menjadi tempat rehat kepada pengunjung sambil menghilang lelah. Ianya juga boleh digunakan sebagai tempat berkelah bagi pengunjung yang ingin berkelah sekeluarga.
- **TUNGKU UNTUK BBQ** - Bagi mereka yang ingin berpiknik, kemudahan menyalai mungkin sesuai disediakan. Walaubagaimanapun, jika kebersihan diambil kira, perkara ini harus dibincangkan secara mendalam bagi mengelak impak negatifnya.
- **JAMBATAN KAYU** - Jambatan kayu yang diperlukan adalah untuk menyeberang beberapa anak sungai. Sebagai contoh, jambatan ini diperlukan di kawasan Wasai Titian Akar, dimana kerosakan boleh berlaku kepada titian yang dimaksudkan kerana ianya dijadikan sebagai laluan trek. Dengan dibuatkan jambatan yang bersesuaian, titian akar tidak lagi digunakan dan kelestarian akan terjaga.
- **TALI KESELAMATAN** - Terdapat laluan yang agak berbahaya dan perlu disediakan tali keselamatan bagi mengelak pengunjung terjatuh atau tergelincir. Tali keselamatan biarlah yang sesuai bagi semua generasi muda dan tua.
- **PENANDAAN TEMPAT / LALUAN** - Adalah elok setiap wasai ditanda dengan nama-nama nya yang sudah dikenalpasti. Ini akan memudahkan pengunjung mengenal setiap wasai. Begitu juga dengan laluan-laluan yang terdapat disepanjang trek hutan ini. Perkara ini amat mustahak bagi mengelakkan pengunjung salah jalan. Tanda-tanda jauh dalam unit meter juga perlu ada bagi mengingatkan pengunjung sejauh mana mereka telah memasuki trek yang ada dan berapa jauhnya dari satu wasai ke wasai lain dan jaraknya dari tempat bermula.
- **ANAK TANGGA** - Wasai Mandian perlu dibuatkan tangga bagi memudahkan pengunjung menuruni bukit menuju wasai ini. Laluannya agak curam dan jika salah langkah boleh membahayakan pengunjung.
- **ABSAILING** - Terdapat potensi kegiatan ABSAILING atau mendaki curam di sekitar beberapa wasai walaupun tidak berapa tinggi. Kegiatan seperti ini

mencabar kemampuan dari segi teknikal dan keupayaan individu mendaki curam. Kegiatan lain yang sesuai ialah flying fox.

- MTB TRACK – Bagi pengemar basikal gunung (Mountain Bike - MTB), kawasan taman ini berpotensi untuk dijadikan pusat dan tempat pertandingan MTB memandangkan rupa bumi yang bersesuaian, akan tetapi laluannya hendaklah tidak sama dengan laluan trekking yang sedia ada. Ini adalah bagi mengelakkan kerosakan kepada trek berkenaan Bagaimanapun ulasan, pandangan serta lawat periksa pihak Persekutuan Basikal Brunei Darussalam diperlukan dalam hal ini. Jika cadangan ini menjadi kenyataan, ianya setentunya akan mempromosikan lagi taman ini kepada orang ramai semada dalam mahupun luar negara luar. Persekutuan Basikal Brunei Darussalam pada masa ini sedang mencari-cari lokasi yang sesuai untuk mengadakan MTB Jamboree, dengan menjemput pelumba-pelumba luar negara.
- LETAK KERETA DAN TANGKI AIR BERSIH – Letak kereta yang bersesuaian dan teratur diperlukan berserta dengan tangki air bersih bagi pengunjung membersihkan diri selepas melakukan jungle trekking.
- TAMAN PERMAINAN KANAK-KANAK DAN PADANG FUTSAL – Perkara ini hanyalah cadangan akan tetapi jika ianya menyumbangkan kepada perpaduan dan kerjasama masyarakat di kampung kampung yang berdekatan, ianya perlu diutamakan.
- LAIN-LAIN KEMUDAHAN YANG BERSESUAIAN


8. WASAI-WASAI DAN AIR TERJUN

- **Wasai Titian Akar**



Wasai Titian Akar - Inilah wasai yang mula mula akan ditemui pengunjung. Wasai ini dipercayai mengandungi air beracun. Pengunjung akan meniti pada akar yang menjalar bagi menyeberang anak sungai ini. Jika dibuatkan jambatan, titian ini tidak lagi digunakan dan kerosakan pada akar akan dapat dielakkan.

- **Wasai dan Air Terjun Balik Tanajung**




Wasai Balik Tanajung ini menyimpan misteri tersendiri seperti yang pernah dialami oleh orang-orang tua di Kampong Tungku/Kampong Katok. Adalah ditegah sama sekali mandi-manda di wasai ini.

- **Wasai Marak Berapi**




Wasai ini sangat cantik dimana airnya mengalir agak deras dari wasai-wasai lain. Airnya agak jernih berbanding Wasai Titian Akar. Ini menyebabkan beberapa fauna seperti Bangkutut dapat hidup di sekitar wasai ini.

- **Wasai dan Air Terjun Buang Tekuruk**



Wasai dan air terjun Buang Tekuruk juga menyimpan cerita yang tersendiri yang disampaikan dari mulut ke mulut oleh orang-orang kampung. Wasai ini agak jernih, akan tetapi pengunjung ditegah mandi manda di wasai ini.

- **Wasai Mandian**



Wasai ini tidak ada nama spesifik, tetapi pengunjung boleh mandi manda diwasai ini. Oleh itu, wasai ini diberi nama Wasai Mandian. Air yang sejuk dan jernih boleh menghilangkan lelah pengunjung. Jika dibuatkan tangga menuruni bukit menuju wasai ini, akan memudahkan pengunjung menikmati kesejukan wasai ini.

- **Wasai Betangga**



Nama wasai ini diperoleh dari bentuk wasai itu sendiri yang seperti tangga bertingkat-tingkat. Banyak hidupan air seperti bangkutut disekitar wasai ini disamping kejernihan airnya. Air diwasai ini boleh diminum.

9. PERINGATAN DAN PEMELIHARAAN

- Para pengunjung adalah **ditegah** ;
 - Membakar,
 - Mandi/kencing di wasai-wasai tertentu,
 - Membuang sampah sarap,
 - Memotong/menebang tumbuhan sesuka hati,
 - Mengambil tumbuhan bagi tujuan berdagang,
 - Merosak tumbuh-tumbahan,
 - Merosakan laluan trek, tanda-tanda laluan dan kemudah-kemudahan yang disediakan.
- Para pengunjung adalah **digalakkan**;
 - Menanam tumbuhan yang memberi faedah seperti buah-buahan,
 - Membersihkan kawasan taman,
 - Memelihara kelestarian taman.

10. JAWATANKUASA TADBIR TAMAN REKREASI BUKIT LOGAM

- Lembaga Penasihat adalah dicadangkan ;
 - Penasihat I : YB Haji Tahamit bin Haji Nudin, Ahli Mesyuarat Negara merangkap Penghulu Mukim Gadong 'A',
 - Penasihat II : Yang Mulia Dato Paduka Awg Haji Alihan bin BPSS Awg Hj Md Yussof
- Penasihat dan Jawatankuasa MPK Kampong Tungku/Katok merupakan institusi yang dipertanggungjawabkan dalam pentadbiran dan pengurusan Taman Rekreasi Bukit Lugam ini.